

AUGLÝSING

um breytingu á upphæð bóta samkvæmt bráðabirgðaákvæði laga nr. 25 10. maí 1977 um breyting á siglingalögum nr. 66/1963.

Hagstofa Íslands hefur samkvæmt síðustu málsgrein 1. gr. laga nr. 25 10. maí 1977 um breyting á siglingalögum nr. 66/1963 reiknað úr breytingu á upphæð bóta samkvæmt 1. gr. 1a og 1. gr. 2b téðra laga, nr. 25 10. maí 1977, svo sem hér greinir:

	Fjárhæð dánarbóta skv. lið 1a í bráðabirgða- ákvæðum þús. kr.	Fjárhæð örorkubóta skv. lið 2b í bráðabirgða- ákvæðum þús. kr.
Grunnfjárhæð skv. lögnum, svarar til verkamannakaups í maí 1977, á gildistöku tíma laganna	2 000	6 000
Framfærðar fjárhæðir, frá og með breytingum vikukaups:		
1. des. 1978	4 276	12 827
1. mars 1979	4 569	13 708
1. júní 1979	5 093	15 279

Samgönguráðuneytið, 22. júní 1979.

Ragnar Arnalds.

Brynjólfur Ingólfsson.

20. júní 1979.

Nr. 287.

Staðfesting forsetans á skipulagsskrá fyrir sjálfseignarstofnunina Grundarteigur, útgefin á venjulegan hátt að mandatum af dómsmálaráðherra 20. júní 1979.

Skipulagsskráin er þannig:

Eigendur jarðarinnar Klafastaða í Skilmannahreppi, Borgarfjarðarsýslu, Ásta Þorsteinsdóttir, Guðmundur Þorsteinsson og Kristmundur Þorsteinsson

hafa sett svofellda

SKIPULAGSSKRÁ

fyrir sjálfseignarstofnun, sem þau setja á fót.

1. gr.

Sjálfseignarstofnunin er sett á fót til að vera frambúðareigandi hluta úr landi jarðarinnar Klafastaða, sem landeigendur ráðstafa til skógræktar með sérstökum gerningi. Stofnunin skal nefnast Grundarteigur.

2. gr.

Markmið landeigenda með þessari ráðstöfun er að sveitungar þeirra og grannar í járnblendiverksmiðjunni að Grundartanga geti á komandi árum notið þess að sjá skóg vaxa upp í því fagra umhverfi sem þeir lifa og starfa í og gefa þeim þannig verðmæti, sem eru önnur og meiri en svo að þau verði metin til fjár.

3. gr.

Stofnfé stofnunarinnar er ofangreindur jarðarpartur eins og hann hefur verið markaður og verður honum ekki ráðstafað til annarra nota en landeigendur hafa ákveðið.

4. gr.

Forræði stofnunarinnar, innan þess ramma sem settur er með ráðstöfunum landeigenda, er í höndum þriggja manna stjórnar. Tilnefdir hreppsnefnd Skilmanna-hrepps einn, stjórn Skógræktarfélags Skilmannahrepps einn, en aðalframkvæmdastjóri Íslenska járnblendifélagsins h.f. að Grundartanga sé hinn þriðji og sé hann formaður stjórnarinnar.

5. gr.

Íslenska járnblendifélagið hefur tekið að sér að græða skóg í áðurnefndum jarðarparti með þeim skilmálum, sem landeigendur hafa sett. Ber stjórn stofnunarinnar að fylgjast með þeirri ræktun og birta árlega skýrslu um skógræktarstarfið og árangur þess.

6. gr.

Verði tekjur af landinu umfram kostnað við gæslu þess og rekstur, skal þeim varið til frekari skógræktar í sveitinni eftir ákvörðun stjórnarinnar.

S A M Þ Y K K T

um breytingu á lögreglusamþykkt fyrir Reykjavík nr. 2 7. janúar 1930.

1. gr.

1. málsgrein 79. gr. orðist svo:

Veitingastaði, þar sem fram fer sala heitra máltíða, heitra sérretta eða fjölbreyttra kaffiveitinga, skal heimilt að hafa opna frá kl. 06.00 til 03.00, enda sé slík sala meginhluti rekstrarins að dómi heilbrigðisnefndar. Allir gestir sem eigi hafa þar náttstað, skulu hafa farið út eigi síðar en $\frac{1}{2}$ stundu eftir að lokað er. Þó má selja ferðamönnum greiða á hvaða tíma sem er, ef þeir fá náttstað á veitingastaðnum eftir lokunartíma. Lögreglustjóri getur heimilað, að skemmtanir megi standa lengur en að framan greinir, ef sérstaklega stendur á. Ennfremur mega brúðkaup og önnur boð standa fram yfir hinn tiltekna tíma.

2. gr.

Samþykkt þessi öðlast gildi 16. júlí 1979.

Samþykkt þessi, sem borgarstjórn Reykjavíkur hefur samið og samþykkt samkvæmt lögum nr. 1 3. janúar 1890, sbr. lög nr. 67 28. nóvember 1919, um lögreglusamþykktir fyrir kaupstaðina, staðfestist hér með og birtist til eftirbreytni öllum þeim, sem hlut eiga að máli.

Dóms- og kirkjumálaráðuneytið, 9. júlí 1979.

Steingrímur Hermannsson.

Ólafur W. Stefánsson.